

FIOMANANA HO AMIN'NY RANONORANA FARANY

HAFATR'I KRISTY HOAN'NY SISA

ZAVA-DEHIBE HOAN'I LAODIKIA

Manantomotra ny fiafaran'ny ady lehibe ifanaovan'i kristy sy i Satana ; manangona sy mandamina ny hariny hoamin'ilay fizarana farany amin'ilay loza eo amin'ny tantaran'ny olombelona i Satana.

Izao no lazaina amintsika ao amin'ny Apôk12:12 “Loza ho an'ny tany sy ranomasina fa nidina ho aminareo ny devoly izay manana fahatezerana lehibe satria fantany fa kely sisa ny androny »

1 Pet 5 :8 « Mahonona tena, miambena,fa ny devoly fahavalonareo dia mandehandeha tahaka ny liona mieronana ka mitady izay harapany »

Misy fampitandremana mitovy amin'izany nomen'ny iraky ny Tompo an'ireo mambran'ny fiangonana sisa.

8T 298 “Manoloana antsika ny andro mahatahotra, Tokony hifoha ny tsirairay izay manana ny fahamarinana, ka hametraka ny tenany sy ny saina amam-panahiny eo ambany fitsipik'Andriamanitra. Manjohy antsika ny fahavalo. Tsy maintsy mifoha tanteraka isika, sy hiambin-tena ny aminy. Tsy maintsy mitafy ny fiadian'Andriamanitra rehetra isika. Tsy maintsy manaraka ny torolalana nomena tamin'ny alalan'ny Fanahin'ny Faminaniana isika. Tsy maintsy tia sy Mankato ny fahamarinana hoan'izao andro izao isika. Fa hamonjy antsika tsy hanaiky fahadisoan-kevittra lehibe izany...

5T 67 “Asehoko anareo izay nasehon'Andriamanitra ahy...Izy ireo no nasehon'Andriamanitra ahy tamin'ny fahitana. Ny tara-pahazavana sarobidy mampirampiratra avy eo amin'ny seza fiandrianana.”

Niteny tamintsika tao amin'ny “Fanambarana ho an'ny Fiangonana” Andriamanitra, ary tao amin'ireo boky izay nanampy hahamora ny adiditsika ankehitriny sy ny toerana tokony hotanatsika amin'izao fotoana izao . Tokony hotandremana isan'andalana sy isam-pitsipika ireo fampitandremana nomena . Satria inona no fiala-tsiny azotsika aroso raha tsy tandremantsika ireny?

MINDRY ANTSIKA NY FOTOAN-TSAROTRA LEHIBE

Ao anatin'izao ora nanjombonan'ny tantaran'ny tany izao, dia tena mil any taram-pahazavana mampirampiratra avy eo amin'ny seza fiandrianan'Andriamanitra isika. Fantatsika fa misy fotoantsaroytra lehibe miandry an'izao tontolo izao, nefa izao no vakintsika ao amin'ny boky fahadimin'ny fanambarana pejy faha-711: “Misy fotoantsarotra lehibe miandry ny vahoakan'Andriamanitra”

D A 636 “Mihamanantona antsika tsikelikely ny fotoan-tsarotra...Hitan'I Satana fa kely sisa ny androny. Efa nampiasainy daholo ny fomba rehetra mba hahatonga ny olona ho kivy, sy ho voafitaka sy ho revo ary ho variana, mandra-piafaran'ny andro fizahan-toetra sy hikantonan'ny varavaram-pahasoavana ho mandrakizay”

8T 315 “Misy tafiodrivotra mahery tsyazo ivalozana manantona amin'ny fahatezerany. Voaomana hisedra izany ve isika”.

9T 17 “Misy fitsapana sy fizahan-toetra mahatsiravina miandry ny vahoakan'Andriamanitra”

8T 37 “Ny toriteny tsirairay dia tokony haompana eo amin'ny foto-kevitra ny fitsarana mahatsiravina mianjady tsy ho ela amin'izao to,ntolo izao...Andriamanitra anie hanampy ny vahoakany hifoha sy handeha ary hiasa toy ny lehilahy ary ny vehivavy eo antokonambaravaran'ny tany mandrakizay”

Dimampolo taona mahery talohan'izao (1909), dia nanoratra toy izao ny mpanompovavin'ny Tompo:

9T 29: “Raha manantotosa ny adidiny ny miaramilan'i Kristy tsirairay...dia ho efa talohan'izao no ho nandre ny hafatra fampitandremana izao tontolo izao. Nefa dia tara antaonany maro ny asa”

6T 450 “Raha notanterahan'ny vahoakany ny fikasan'Andriamanitra, tamin'ny fitoriana ny hafatry ny famindram-po tamin'izao tontolo izao, dia efa tokony ho tonga tety an-tany talohan'izao I Kristy, ary tokony ho efa naharahabaina tonga soa tao amin'ny tanànan'Andriamanitra ny olona masina” (1900)

Raha misy alaim-panahy hiteny hoe: “Eny, tsy mbola nandalo akory ny didim-panjakana momba ny alahady”, dia tokony hoheveriny tsara izao fanambarana manaraka izao:

G C 48: “Aoka hisy fifohazan'ny finoana sy ny herin'ny fiangonana voalohany, dia hifoha koa ny fanahin'ny fanenjehana, ary hirehitra indray ny afon'ny fanenjehana”

Ary satria mihemotra taona maro ny fiavian'i Jesosy, ka moa ankehitriny tsy tokony hazoto hikatsaka amim'pivavahana ny tena anton'ity fihemorana lava ity isika, mba hahazoatsika miomana malaky faingana ny fiaviany?

9T 46: “Raha mifarimbona ny asan'Andriamanitra (Fanahy Masina, Anjely) sy ny asan'ny olona, dia ho maro dia maro tokoa ny fanahy babon'ny fahamarinana. Nefa natory ireo vahoaka nilaza fa olon'Andriamanitra teo amin'ny fanaovana ny andraikitra nankinina taminy...

Know him 330: “Miandry izay fomba ahazoany miasa ny Fanahy Masina...Harotsaka amin'ny fiangonana ny Fanahin'Andriamanitra raha vao vonona handray izany ireo fanaka”

E W 119, 120: “hitako fa tsy voaomana ho amin'izay zavatra ho tonga ambonin'ny tany ny sisa, ny hadomelina, toy ny fitsilamodamohana, no toa mitana ny sain'ireo ankabeazan'ireo izay milaza azy ho mino fa manana ny hafatra farany isika...Misy asa goavana tokony hatao ho an'ny sisa...Izao no ambaran'ny anjely: Misy legionan'anjely ratsy manodidina anareo,...mamela ny eritreritrareo ho voasintona mora foana hiala foana amin'ny asam-piomanana ianareo!...Hoy ny anjely: tokony ho faty ny amin'ny tenany ny amin'ny mpitandrina ny Sabata...”

Kanefa tsy misy fialan-tsiny azontsika atao, satria “ny toe-javatra mifamatotra amin'ny fiasaran'ny fizahan-toetra sy ny asam-panomamanana ho amin'ny andro mahory, dia efa voaseho mazava tsara” (GC 594)

1 T 466 “saika ireo rehetra milaza ho mino ny fahamarinana ankehitriny, dia tsy voaomana hahafantatra ny asam-piomanana ho amin'izao fotoana izao”

Nandefa hafatra hoan'ny fiangonan'i Laodikia I Kristy, Ilay Vavolombelona Marina (Apôk 1:5) dia hafatra hanomana atsika ho amin'ny ranonorana farany, raha nohenoina.

ILAY HAFATRA HOAN'NY VAHOAKAN'I LAODIKIA

Apôk 3:14-21: Ary soraty ho amin'ny anjelin'ny fiangonana any Laodikia: Izao no lazain'ny Amena, dia Ilay Vavolombelona mahatoky sy marina, izay niandohan'izao zavatra noharin'Andriamanitra izao: Fantatro ny asanao, fa tsy mangatsiaka na mafanna ianao, aleo mangatsiaka na ho mafana ianao. Fa satria matimaty ianao ka tsy mafana na mangatsiaka, dia efa haloan'ny vavako ianao; fa hoy ianao: Manan-karena sy efa nihary fananana be aho ka tsy

manan-javamahory; kanjo tsy fantatrao fa ianao ilay ory sy mahantra sy malahelo sy jamba ary mitanjaka; dia manoro hevitra anao Aho hividy amiko volamena voadio tamin'ny afo, mba hanan-karena ianao, ary fitafiana fotsy hitafianao, mba tsy hisehoan'ny henatrao noho ny fitanjahana, ary odimaso hahosotrao ny masonao mba hahiratanao. Izay rehetra tiako no anariko sy faiziko, koa dia mazoto ianao ka mibebaha. Indro, efa mitsangana eo ambaravarana aho ka mandondona; raha misy mihaino ny feoko ka mamoha ny varavarana, dia hiditra ao aminy aho ka hiara-misakafo aminy, ary izy amiko. Izay maharesy dia havelako hiara-hipetraka amiko eo ambonin'ny seza fiandrianako, dia tahaka ny nandreseko kosa sy ny niarahako nipetraka amin'ny Raiko eo ambonin'ny seza fiazndrianany”

Tena endriky ny toetra ar-panahin'ny fiangonana sisamandritra ny andro farany eo amin'ny tantaran'ny tany, ny hafatra hoan'I Laodikia, ny antso farany ataon'I Kristy hoan'ny sisa alohan'ny fifaranan'ny fizahan-toetra.

Ny antony mahatonga ny toetran'i Laodikia ho matimaty sy fadiranovana dia satria ny tenany no manjaka ao am-pony, fa I Kristy dia avela ho eo ivelan'ny varavarana.

“fiampangana mahatsiraviana” ny hafatra hoan'i Laodikia (3T 252) nefa kosa hafa-pitiavana. Antsom-pitiavana avy amin'ilay Mpitia lehibe izany. Raha ta dremantsika ny hafatr'Imay vavolombelona Marina, ka vohatsika ny varavara'ny fo, mba hahazoan'I Kristy hiditra ao, amin'ny alalan'ny solontenany, dia ny Fanahy %Masina, dia handray ny herin'Andriamanitra isika, mba handresetsika ny zavamanahirana tsirairay, sy hifaliantsika amin'ny tombontsoa lehiben' ny fiaraha-mipetraka amin'I kristy eo amin'ny fipetrahany.

D A 388 “Amin'ny alalan'ny Fanahiny no itoeran'I Kristy ao anatitsika, ary ny Fanahin'Andriamanitra, raisina ao am-po amin'ny alalan'ny finoana, no fiandohan'ny fiainana mandrakizay”

Aoka isika hianatra amim-pivavahana ireto fanambarana amanarakaz ireto avy ao amin'ny diam-pen'ny irak'Andriamanitra, momba ity foto-kevitra lehibe indrindra ity izay iankinan'ny ho anjarantsika mandrakizay.

R H Aug 28, 1894 “Tsy maneho ireo matimaty ho toy ny tsy antenaina intsony ny toro hevitra ny Vavolombelona Marina. Fa mbola misy hevitra ihany ny hamonjena azy, ary feno fampaherezana ny hafatra ho an'I Laodikia”

6 T 77 “tsy maintsy hotorina amin'izay rehetra tena milaza azy ho Kristianiana koa ny fampitandremana ho an'ny fiangonana farany. Tsy maintsy hitety ny fiangonana rehetra ny fiangonana ho an'I Laodikia, izay maranitra toy ny sabatra roa lela...Moa ve ataotsika ny fiezahana rehetra ,mba hahatonga ny fiangonana hahazo ny fampitandremama?”

3 T 259 “hanao ahoana ny hiheveran'izy ireo ny hafatry ny Vavolmbelona Marina, hoan'I Laodikia? Tsy mety hisy fahadisoan-kevitra eto. Tsy maintsy ho entin'ny mpanompon'Andriamanitra ho amin'ny fiangonana matimaty ity hafatra ity. Tsy maintsy hanaitra ny vahoakany avy eo ny fahatokiany sy ny fahadisoan-keviny mampidi-doza ny amin'ny tena toerana misy azy eo anatrehan'Andriamanitra izany. Raha raisina ity fanambarana ity, dia hampifoha ho amin'ny sasa ary hitarika ho amin'ny fanetren-tena sy ny fiaiken-keloka”

M H 455 “ny famitahan-tena no loza lehibe ho an'ny olona”

H T 87 “Ny hany fahitana ho an’I Laodikia di any fahitana mazava tsar any toerana misy azy eo anatrehan’Andriamanitra ary ny fahalalana ny toetry ny aretiny. Sady tsy mangatsiaka izy no tsy mafana, toerana mihevaheva no misy azy, sady mandoka-tena izy fa tsy mila na inona na inona”

1 T 263 “Inona no holazaiko mba hanairana ny vahoakan’Andriamanitra sisa? Naseho ahy fa misy toe-javatra mahatsiravina manoloana atsika, entin’i Satana sy ny anjeliny avokoa ny heriny rehetra mba hamelezana ny vahoakan’Andriamanitra. Fantany fa raha matory ela kokoa izy ireo, dia tsy isalasalana ny aminy, satria azo antoka ny fandevonana azy ireo.

Nahoana ny sisa no tsy voaomana hitondra amin-kery lehibe ny hafatry ny ajely fahatelo(Apôk14:9-11) mandritra ity ora farany amin’ny tantaran’ny tany ity? Ireto teny manaraka ireto no maneho ny tetik’adin’ny fahavalo.

IREO FITAK’I SATANA

G C 625, 626 “hisakana azy ireo i Satana , raha azo atao, mba tsy ho voaomana ny hijoro amin’izay andro izay. Hamboariny koa ny toe-javatra , mba hisakanana ny lalany sy haningorana azy amin’ny haren’ny tany, sy hanao izay hitondrany enta-mavesatra sy mandreraka, ka amin’izay ny fony dia ho vesaran’ny ahiahin’izao fiainana izao, ary ho tonga tahaka ny mpangalatra amin’izy ireo ny andron’ny fizahan-toetra”

9 T 43 “eo am-piasana ny heriny i Satana, raha azo atao mba tsy hifantoka amin’ny zavamisy mandrakizay. Namboarin’ny fahavalo ny toe-javatra mba hifanaraka amin’ny fikendreny. Ny raharahan’izao tonrolo izao, ny fanatanjahan-tena, ny lamôdin’izao andro izao – izany no mibahana ao an-tsain’ny lehilahy sy ny vehivavy” nefa jereo ange ny Jakôba4:4

8 T 316 “Tokony hivily hiala avy eo amin’ireo zavatra an’arivony misarika ny saina isika. Misy zavatra mandany fotoana sy manaitra ny filàna, nefa tsy miafara na amin’inona na amin’inona. Mitaky fitandremanana fatratra sy hery ny zava-mahasoa indrindra, dia fitandremana mahery izay matetika omena ny zavatra tsy misy vidiny raha ampitahaina amin’iretsy”

“...Ilaina ny hahatsampatsika ny andraikitra ananatsika hanome sakafo ny fanahitsika, izay hamelona sy hanaitaitra ny fiainana ara-panahy”

1 T 341 “Manana fironana rahateo hanaraka ny tolo-kevitri’i Satana ny olona, ary tsy afaka hanohitra amim-pahombiazana ity fahavalo mahatsiravina ity izy, raha tsy mitoetra ao mainy I Kristy, Ilay Mpandresy mahery, ka mitarika ny faniriany ary hanome hery azy... Eo am-panomanana ny fitaka hataonu I Satana, ka amin’ny fanafihany farany ny vahoakan’Andriamanitra, dia tsy ho fantatr’ireo fa izy no nanaop izany” (2Kôr 11:14)

G C 508 “Manjohy azy ireo isam-potoana ity fahavalo amilo ity”

1 T 302 “Manjohy atsika isam-potoana ny anjely ratsy”

8 T 294 “Izao no teniko amin’ny rehetra. Miambena ianareo, satria I Satana dia mandeha any amin’ny fivoriana rehetra ataon’ny mpiasa Kristianina amin’ny endrikin’ny anjelin’ny mazava, ary any amin’ny fiangonana tsirairay, ka miezaka hambabo ny mabra homba azy”

COR 149 “tsy misy zavatra atahoran’I Satana fatratra toy ny hanadiovan’ny vahoakan’Andriamanitra ny lalana amin’ny fanesorana ny zava-misakana rehetra, mba hahazoan’Andriamanitra handrotsaka ny Fanahiny”

5 T 397 “Misy ady mitohy atao amin’ny fitiavan-tena sy ny faharatsian’ny fon’olombelona...Mandeha amin’ny lalana mampidi-doza ireo izay manadino an’Andriamanitra, eny fan a dia mandritry ny ora iray, na fotoana kely foana aza”

5 T 394 “Mamely tampoka sy mafy ity fahavalo matanjaka ity isaky ny tsy miambina ny Kristianina iray”

Voafitaka ny ampahatelon’ny anjelin’ny lanitra. Voafitaka I Eva sy I Kaina lahimatoany. Voafitaka ny rehetra tamin’ny fotoanan’ny safo-drano afa-tsy valo monja. Maro tamin’ireo mpitondra fivavahana tamin’ny andron’I Kristy no voafitaka, ka na dia nanatri-maso ny Zanak’Andriamanitra nanatanteraka ny sasantsasany tamin’ireo fahagagana lehibe indrindra nataony aza.

Amin’ny andro farany, rehefa nampitomboina fatratra ny herin’I Satana, dia hofitahany, raha azo atao ny tena olom-boafidy(Mat24:24). “Noho ny fitomboan’ny herin’ny fakam-panahy ataon’I Satana, dia feno loza hoan’ny zanak’Andriamanitra ny vanim-potoanaianantsika” (Counsels to Teachers, p 322)

5 T 102 “Na toy inona na toy inona haavon’ny toerana misy atsika,dia ilaitsika ny hiambina sy hivavaka mitohy hatrany. Tsy maintsy hanapaka atsika isan’andro ny Fanahin’Andriamanitra, raha tsy izany dia I Satana no hanapaka atsika...

“Izay tsy manolo-tena tanteraka ho an’Andriamanitra, dia mety ho voatarika hanao ny asan’I Satana, na dia mbola mihevi-tena fa mbola manao ny asan’I Kristy aza izy”

TM 79 “Arahin’I Satana mason y eritreritra rehetra izay tsy eo ambany fanapahan’ny Fanahin’Andriamanitra tanteraka”

DA 636 “Vitsy no mino amin’ny fo sy fanahy fa misy helo tokony handosiratsika, ary misy lanitra tokony ho azotsika”

1 Tes 5:17 “Mivavaha ka aza mitsahatra”

Suf. Of Chr. 8 « Ny vavaka mitohy sy miredaredan’ny finoana dia hanome atsika fahazavana sy hery ho enti-manohitra ny famelezana masiaka indrindra aton’i Satana

9 T 44 « Zotom-po fatratra no tokony hambabo atsika izao »

MANAITRA NY VAHOAKAN’ANDRIAMANITRA

Andao hodinihatsika ny fanazavana avy amin’Andriamanitra mikasika ny hafatra nampitondraina ho an’ny vahoakan’I Laodikia.

5 T 233 “Harahinareo ve ny torohevitr’Ilay avolombelona Marina mampitady volamena vadio tamin’ny afo sy fitafiana fotsy ary odi-maso? Finoana sy Fitiavana ny volamena, ny fahamarinan’I Kristy no fitafiana fotsy; ny odi-maso dia ilay fahaizana mandanjalanja rapahy izay mamela anao hahita ny hafatsen’I Satana, ka handositra izany tsy hahita ny fahotana, ka hankahala izany ary hahita ny fahamarinana ka hankato izany”

Nefa, maro no tsy mankasitraka ny tsy maintsy handraisany ny fanosorana avy any an-danitra...maneho ny toetr'ireo izay tsy manana asa nataon'ny Fanahin'Andriamanitra tao amin'ny fony ny anarana hoe "virijiny adala". Tsy hanova ny virijiny adala ho tonga hendry ny indray ny fiavin'I Kristy...

"Ny toetry ny virijiny adala dia lazaina koa fa toy ny vahoakan'I Laodikia"(RH Aug. 19. 1980)

4 T 87 "Miantefa amin'ny olon'Andriamanitra milaza azy ho mino ny fahamarinana ankehitriny ny hafatra nampitondraina hoan'ny vahoakan'I Laodikia. Ny ampahany lehibe kokoa dia amin'ireo mpampianatra matimaty mitondra ny anarana nefa tsy manana zoto-po ilaina no miantefa...Tsy vono-ko faty ny amin'ny tenany izy ireny"

1 T 186 "Naseho ahy fa miantefa amin'ny olon'Andriamanitra amin'izao fotoana izao ny fanambarana hoan'ny vahoakan'I Laodikia...Voatendry izany hanairana ny olon'Andriamanitra, sy hanehoana ny fihemorany, ary hitarihana azy ho amin'ny fibebahana feno hafanam-po, ka amin'izay izy ireo, dia mety handray tombotsoa amin'ny fanatrehan 'I Jesosy, ary ho vonona ho amin'ny antso avo ataon'ny anjely fahatelo"

Manazava izany ireo teny nalaina teo aloha, fa amn'ny fitandremana ny hafatra nampitondraina hoan'ny vahoakan'I Laodikia, dia ho voaomana history ny hafatry ny anjely fahatelo ami-kery lehibe ny olon'Andriamanitra, mandritra ny Ranonorana Farany. Na izany aza anefa, ny Laodikianina tsy mahatsapa ny fahatrany ara-panahy sy tsy voaomana hanaraka ny torohevitr'I Kristy, Ilay vavolombelona Marina dia ho voahozongozona.

EW 270 "Nanontaniako ny dikan'ilay fanozongozonana hitako, ary naseho ahy, fa izany dia haterak'ilay fanambarana mivantana avy amin'ny torohevitr'Ilay Vavolombelona Marina ho an'ny vahoakan'I Laodikia. Hanana ny asany ao am-pon'izay mandray azy izany, ary hitarika azy handray ny faneva sy hampielay ilay fahamarinana madio. Ny sasany tsy hahazaka ity fanambarana mivantana ity. Hitsangana hanohitra izany izy ireny, ary izany no hiteraka fanozongozonana eo amin'ny vahoakan'Andriamanitra"

"Nahita aho fa tsy narahina akory ny antsasaky ny fanambaran'Ilay Vavolombelona Marina. Ilay fanambarana miezinezina iankinan'ny ho anjaran'ny fiangonana, dia nankafizina tamim-pimirapiratana na tsy nankatoavina tanteraka aza. Tokony hiasa fibebahana lalina ity teny vavolombelona ity. Hankato sy ho voadio izay rehetra mandray izany marina tokoa"

IREO IZAY MITANDRINA NY HAFATRA

Tsy ho voahozongozona isika, raha mitandrina ny hafatra farany hoan'ny Sisa ity. Rehefa hohenganina ny lalàm-panjakana momba ny alahady, dia hahajoro amin'izay fitsapana lehibe izany isika, sy hahatsapa amin-kery lehibe izany isika, sy hahatsapa ny Ranonorana Farany ary hanao ny anjaratsika amin'ny fitoriana ny hafatra amin-kery lehibe mandritra ny fotoanan'ny antso avo. Hanaraka ny torohevitr'I Kristy, Ilay Vavolombelona Marina, ny Sisa mpino. Hitondra ny hazo fijaliana izy ireny ary ho voaovan'ny Fanahy Masina, ary voaomana ho amin'ny Ranonorana Farany sy ny famindrana ho any an-danitra.

7 T 14 "Ireo izay mametraka ny tenany eo ambany fijerin'Andriamanitra mba ho tarihiny, dia hahafantatra ny maha-azo antoka ny fandehan'ny toe-javatra izay notendreny mba hisy. Tsy

hijanona ela ao amin'ny tsy fananan-kery sy hibanjina izay zavatra tsy azony atao, satria tarihin'ny Fanahiny izay manome ny fiainany ho fiainan'izao tontolo izao-. Rehefa mitafy ny fiadian'ny lanitra izy, dia havoaka hiantafika, ka ho tena vonona ny hanao sy sahy ho an'Andriamanitra, satria mahalala izy fa ny heriny izay manerana izao rehetra izao no hameno izay zavatra ilainy”

9 T 107 “Hanao ny asa Andriamanitra ary hometsika azy ny fiasana ilaina”

7 T16,17 “Mitambaby eo amitsika ny andraikitra mavesatra hanambara amin'izao tontolo izao ny amin'ny hiavin'ny andro hitsarana azy. Tonga hiatso vonjy ny akaiky sy ny avy lavitra ary ny avy amin'ny lafy valo. Miantso ny fiangonany hitsangana sy hitafy ny heriny Andriamanitra. Tokony ho azo ny satroboninahitra mandrakizay: tokony ho azo ny fanjakan'ny lanitra, tokony hohazavaina izao tontolo izao maty ao amin'ny tsy fahalalana na inona na inona”

“Satria mbola misandratra hatrany amin'ny feo mahery ny hafatry ny anjely fahatelo, koa dia hery lehibe sy voninahitra no hanotrana ny fitoriana izany. Hamirapiraty ny fahazavan'ny lanitra ny vahoakan'Andriamanitra”

Fotoana be voninahitra manao ahoana re izany! Azoko antoka fa ho tapan-kevitra, miaraka amiko, hitandrina ny hafa-pitiavana natao hoan'ny vahoakan'I Laodikia ianao, sy ho faty ny amin'ny tena isan'andro, ka hamela ny Fanahy masina hanapaka tanteraka ny fiainanao, mba hahatonga anao ho voaomana faingana ho amin'ny Ranonorana Farany, ary hanao ny anjaranao amin'ny fitoriana ny hafatra amin-kery tsy mahatafandrimandry mandritra ny fotoanan'ny Antso Avo.

NY RANONORANA ALOHA ILAINA ANKEHITRINY

PK 148 “Samy miandry hafatra amim-pahalianana tsy hay lazaina ny famaranana ilay ady lehibe ifanaovan'ny tsara sy ny ratsy ny voary manontolo. Tsy lavitra ny tokonan'izao tontolo izao mandrakizay ny olon'Andriamanitra”

“Nanomboka tamin'ny fahatanterahan'ny faminaniana ity hafatra ity tamin'izany fotoana izany, ary efa eo an-katoky ny fiasarana. Ho vitan'Andriamanitra miaraka amiko sy aminao ny asa(rôm9:28), raha tiatsika na miaraka amin'ny hafa raha tsy vonona isika”

Nomena ho amin'ny as any fanahy Masina. Fa ny Fanahy Masina no hampiasa atsika. Miasa amin'ny olony amin'ny alalan'ny Fanahiny Andriamanitra, mba ho tia sy hanao ny sitrapony” (DA 672)

NY HERY MANOVAN'NY FANAHY MASINA

Raha tsy tiatsika ny hamela ny Fanahy masina hanapaka ny fiainatsika, dia miasa eo ambanin'ny fahefan'ny nofo, fa tsy ao amin'ny herin'ny Fanahy isika. Ary inona n o ho vokatr'izany? Izao no valiteny omen'Andriamanitra:

5 T 158 “raha tsy misy ny Fanahy sy ny herin'Andriamanitra, dia ho very main any hiasatsika ny fahamarinana”

“Tokony hivavaka amin-kafanam-po ho an’ny firotsahan’ny fanahy Masina isika toy izay nivavahan’ny mpianatra tamin’ny andro Pentekôsta”

Tokony hanakoako ao an-tsofitsika mandrakariva ny teny farany nataon’I Jesosy talohan’ny niakarany indrindra tany an-danitra. “Fa hahazo hery ianareo amin’ny hilatsahan’ny Fanahy Masina aminareo, ary ho vavolombeloko any Jerosalema sy eran’I Jodia sy I Samaria ary hatramin’ny faran’ny tany” (Asa 1:8)

1 SM 156 “Nanana lohahevitra maro isan-karazany tsy tambo isaina hifidianan I Kristy, Ilay Mpampianatra lehibe, fa ny iray anisan’ny nohizingizinin’ny fatratra tokoa, di any fanomezana ny Fanahy Masina. Inona moa no zava-dehibe tsy nambarany mialoha ny fiangonana mikasika ity fanomezana ity. Ary inona no lohahevitra tsy tokony mbola hohizingizinin’ny izao?”

DA 296, 297 “Mila hery ambony sy ivelan’izay efa anany ny olona, mba hamerina azy amin’ny fitoviana azy amin’Andriamanitra, ary hahatonga azy hanao ny asan’Andriamanitra, izany anefa tsy mahatonga ny asan’ny olona tsy ho azo avela. Miandry ny herin’Andriamanitra ny olombelona, I Kristy kosa mitoetra ao am-po amin’ny alalan’ny fiaraha-miasa amin’Andriamanitra, dia tonga mahomby ho amin’ny tsar any herin’ny olona.

“Mbola miantso ny olona ho amin’ny asany izy, Ilay niantso ny mpanaraton’I Galilia. Ary te-haneho indrindra ny heriny amitsika koa toy ny tamin’ny mpianatra voalohany Izy”

1 SM 374 “Azotsika atao ny ho mendrika ny lanitra amin’ny alalan’ny asan’ny Fanahy Masina irery ihany ao amin’ny fo, satria tsy maintsy manana ny fahamarinan’I Kristy ho toy ny fahazoan-dalana isika, rah ate-hahita ny lalana mankany amin’ny Ray. Mba hananatsika ny fahamarinan’I Kristy dia ilaitsika ny ho voaovan’ny asan’ny Fanahy isan’andro sy ho mpiombona amin’ny toetran’Andriamanitra. Izany no asan’ny Fanahy manadratra ny fanirina sy manamasina ny fo sy mahamendrika ny fo manontolo”

Hitady hisakana ny fandatsahana ny Fanahy Masina amin’ny fampidirana hala tahaka I Satana(vakio G. C. p 464)

Efa an-taonany maro no nahitantsika ny hala tahaka maro. Ary satria efa dila loatra ny ora, ka moa ve tsy tokony nisy fibaribarin’ny marina marobe hatramin’izay? Ny zava-dehibe indrindra ilain’ny andro ankehitriny, di any hahita ny fisehoan’ny hery manovan’ny Fanahy Masina eo amin’ny fiainan’izay milaza azy ho notolorana ny hafatra fanambarana farany.

Efa an-taonany no nahatsapan’ny maro izany hetaheta izany, indreto misy teny nalaina avy amin’ny famakiana misesisesy ny evangelism nataon’I William Ward Ayer tamin’ny 1952 tamin’ny antokona mpiantra téolojia tao amin’ny oniversiten’I job jones:

“mila mpaminany isika, Mila Elia!...Noho izany, hatramin’ny voalohany indrindra, dia nanontany indrindra isika hoe: Aiza ny Tompo Andriamanitr’I Elia?...”